



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XI. Schuldverschreibung der Markgrafen Friedrich des Aeltern und des Jüngern für Heinrich und Konrad von Redern, Ritter des Johanniter-Ordens, vom 17. Aug. 1444.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

XI. Schuldverschreibung der Markgrafen Friedrich des Ältern und des Jüngern für Heinrich und Konrad von Redern, Ritter des Johanniter-Ordens, vom 17. Aug. 1444.

Wir friderich, des heiligen Romischen Reichs Erezkammer, vnd friderich gebruder, von gots gnaden Marggrafen zu Branddenborg vnd Burggrafen zu Nuremberg, Bekennen offenlich mit diesem brieffe vor vns vnser erben vnd nachkommen, das wir den werdigen vnser lieben getruwen Ern heinrichen vnd Ern Conraten von Rederen gebruderen, heren Send Johans ordens, rechter redelicher schult schuldig sein sechs hundert gute vulwichtige Rinische gulden, die sie vns an bereitem golde gutlichen vnd wol zu dancke bereyt gelihen vnd bezalt haben, des wir In dancken die wir In uff diesen nehisten Sand Mertens tag wider vfrichten gutlichen geben vnd bezalen sollen vnd wollen ane argk vnd ane alles geuerde. Geschehes ober, dar got vor sy, das die obgnannten Er heinrich vnd Er Conradt gebruderen von Rederen von Todeswegen, Eh denn wir sie bezalten abegingen, Als denn so sollen vnd wollen wir vnser erben vnd nachkommen fulche obingeschrieben Summa geldes vff die obingeschriebene tageczyt Eynem Meister des obgnannten Sandt Johans Ordens der denn vff die czyt In der Ballye zu Sachsen vnd In der Marcke zu Brandenburg von fulchs Ordens wegen werdet Regiren darunder die obgnannten von Redern sein geflesen, gutlichen bezalen in des ordens hofe zu werben adder wor In des ebene ist In eyner andern Stad in der alden Marcke gelegen, vnd ob wir vnd vnseren erben vnde nachkommen fulche bezalunge vff die obingeschrieben tageczyt vnd Stete nicht teten, welchen redelichen schaden die genannten Er heinriche vnd er Conradt gebruderen von Rederen ader der Meister obgnannt dar vmb teten zu Cristen adder zu Jüden, den schaden reden vnd geloben wir In mit der houbtsummen vfrichten vnd zu bezalen an argk vnd an alles geuerde vnd daruber haben wir In zu Borgen gefaczt Diffe hirnachgeschriben vnser Rete, mannen vnd liben getruwen, Mit namen Bernde von der Schulenburgk vnd Mattitze von Jagow Riddere, Jorgen von Waldenfels vnser Cammermeistren vnd Mattitze von der Schulenburg: vnd wir obgnannten Bernd von der Schulenburg vnd Mattitz von Jagow Riddere, Jorge von waldenfels vnd Mattitz von der Schulenburg, Bekennen das wir vor die obingeschriben Summa geldes vor die obgnannten vnser gnedigen heren williglichen borgen wurden sein vnd reden vnd geloben den obgnannten Er heinriche vnd er Conraten vnd dem Meister Sand Johans Ordens die benante Summa geldes, ob die gnanten vnser gnedigen heren die bezalunge in obingeschriebener maffe nicht teten, Das wir alsdenn gliche wol selbst vff die czyt In eyner summen bezalen vnd alse rechte gute borgen mit vngecheidener gesampten hand haldene wollen ane argk vnd an alles geuerde. Des zu Orkonde haben wir obgnannten Marggrauen friderich vnd friderich gebruderen Sachweldigen vnser Ingezigel vnd wir vorgnannten Borgen ouch vnser Igllicher sein Ingezigel zu der gnanten vnser gnedigen heren Ingezigel an dieffen brieff hengen laszen, der geben ist zu Tangermunde, Anno domini etc. XLIIII, am Mantage nach vnser lieben frowen tage Assumptionis.

Nach dem Kurr. Lehn-Copialbuche des K. Geh. Kab.-Archives XIX, 281.